

邃

懷

堂

全

集

邃懷堂詩集後編卷三

寶山 袁翼 穀廉

病起服紫團參

雄奇五行山上黨九州脊山人勦紫團巖谷遍搜掘
千春飽風露三極孕脂液借彼甘溫性治此情欲疾
豈知取精多坤輿亦傷脈巧者摘靈苗分蒔累千百
玉蕊吐芬馥溫尉豈能識衆生寓宇內信宿郵亭客
不死本無藥金丹在我腋身病是心病一甌劑何益
瓦爐爇橡炭隔宵火猶赤階前桂已花天香送滿室

贈書賈李生

夙世應爲脉望仙古香微洒袖衿邊勞君處處搜殘
帙累我年年費俸錢鴻漸久荒烹茗竈玉川已賣載
書船絳雲傳是樓何在百萬圖書付刱烟

錢氏絳雲樓徐氏傳

是樓藏書之富甲於海內

上巳日集閒不閒齋作修禊會

劇飲衙齋十笏餘浴蘭風信報花初宋公說餅經須
補食棗泥餅逸少流觴序自書柳圈祓除分客佩蕨拳鮮
嫩佐家蔬梅溪地瘠無兼味釣得銀鱸一尺魚

登水口寺樓

山抱魚城萬竈烟登樓平楚眺蒼然
蕨甜已入桑榆景
蘖苦須參解脫禪有客亭中歌放鶴
寺西里許舊有放鶴亭今其址已爲菜圃
無人橋上聽啼鵠一關鎖鑰分南北猶想龍
天割據年

嶺上梅花盛開因事阻遊感題

相逢祗在歲寒時月落山空有所思花是仙姿原絕
世人非高士莫題詩江南香雪離千里
鄧尉遍山皆梅名香雪海
嶺上春風寄一枝清福幾生修得到縞衣常伴水雲

渭

立春夜偶成

一年駒隙又駸駸
臘鼓催春出遠林
銀鵠飛符軍務急

始興賊未靖

玉蟲照影鬢絲侵宦途
豈止車生耳家事

常如草拔心不爲梅花檻下立
暗霜如霧濕衣襟

山樓聽雨徹夜不寐

鞍馬不離駱駝嶺
箇輿常憇鳳凰城
山圍夜氣迷鎧影
風攬春愁入雨聲
楊柳陰濃誰院落
杏花時過近清明
池塘一尺添新漲
蝌蚪終宵閣閣鳴

題同年周迪堂郡博掃葉烹茶圖

三卷新箋陸羽經巖前楓槲葉餘青伯芻更記煎茶
水月下中洽汲一瓶

畫中丰采認霜髭嶺北同官在此時欲乞龍團嘗一
勺玉梅花底共談詩

度嶺至南雄州

曲江鐵像今何在蟻垤羊腸路十重落盡梅花香寂
寂白雲一角寺門封

嶠山修水形如舊吳芮梅鋗骨已寒一路鶴鵠聲不

斷緣榕城郭雨中看

村農簷笠賣瓜蔬酒幌茶棚小市闇來雁亭中曾信

宿擘窠大字相公書

中站行館阮芸臺相國額曰來雁亭後跋十六字云云

大庾關連小庾關松杉夾道鳥緝蠻欲尋帝子讀書

處手採仙茅跨鶴還

桂花仙子

中站行館老桂一株土人稱桂花仙子

若有仙兮來娉婷披霞帔兮乘雲輶月光悄悄風冷
冷瑤階萬斛龍涎馨鏡奩夜照蟾蜍魄金粟華妝壽
陽額羅襪步虛不留迹瓣香常奉流星驛

小溪行館

遙看西嶺已斜陽寂寞孤城驛路旁燕子不來春又老一庭風送柚花香

讀史雜題

六藝經天日月如始知善惡稟生初漢瞞宋檜鈐山叟豈有家傳教侯書

九載無功痛羽淵叙倫文命奠山川元圭錫後天仍配屍劈吳刀是妄傳

依託朱門亦可羞勉齋年譜盍旁搜雙峰不死如彭

祖僑學真堪塞九州

南渡山河日半淪龍川才調更無倫可憐痛詆陳同
甫出自方回賣國人

定山託疾三原去補義新成進御書地下荆公應暗
笑斯人剛愎竟如余

宿梅嶺簡孫穀人刺史

短夢頻驚醒西風昨夜來竹枝歌曲磴楓葉下層臺
秋老蚊生骨霜高鶴孕胎相逢期十月共賞隴頭梅

續修大庾縣志書職官志後

舊令甘棠手自栽去思碑倒沒蒼苔吾家合管梅花
嶺一百年中先後來

乾隆年大庾令袁錫衡字鏡伊亦詔江漁隱公後

大雨過章橋宿鍾氏溪樓徹夜不寐曉起題壁

上

小樓三面敞疎櫺樓外青山列畫屏一榻雨聲兼落葉秋光涼到白沙汀

題潯江送客圖

庚樓明月尚當空一葉舟輕傍荻楓莫問青衫司馬事琵琶亭在浪花中

野步

曲徑彎環石級斜
松林深處亂啼鴉
田家門巷無人掃
猶積春風落後花

峰山健兒行

峰山健兒好身手
弩弓社裏皆良民
陽明召募置帳下
一發十矢精絕倫
三百餘年桑海變
聯珠弩法傳無人
蒼山莽莽蒼波走
人指新城賊淵藪
新城雉堞生蒿萊
道左文成碑石朽
雲帆百里南安來
胠篋探囊空所有
昔時健兒願作官
今日健兒甘作賊
焚巢

薰穴何處搜聚蟻屯蜂亦難殲百六刦運將復開以
賊殺賊如轟雷崑岡烈火燎玉石健兒之骨同飛灰

中秋夜登南郡城樓

百尺譙樓聳天高夜氣清亂峰連五嶺一水抱雙城
月滿蟾蜍影風傳鼓角聲重門嚴鎖鑰烽火使人驚

登金鰲閣

海螺吹繞女牆行高閣憑欄夜四更頭白可憐心尙
動南安三載聽鐘聲

巡街過鐵漢樓

刦灰飛後峻樓傾
留得錚錚不朽名
事到盡頭爲鐵漢
心無轉念卽金城
黃沙影裏雙鞍跨
皓月光中一劍橫
有客來占王遁數
爲言嶺北可休兵

八月生朝示內子

未雨綢繆悔已遲
捫心怎不愧瘡痍
一軍擾擾蟲沙化
萬戶惶惶鶴唳疑
刎頸早拚同殉志
齊眉今算再生時
籬孫舞綵還嬉戲
強對黃花醉十卮

過丫山入僧院

籬角東西一逕分
僧衣挑曝趁朝曛
背人鼠竊林梢

果逐影魚吹水面雲蓮社何年結香火桃源此處少塵氛山農識我安民意爭向車前慰使君

過葉處士山莊

板橋流水繞疎籬中有前朝處士碑槲葉未看黃半樹菊英已吐紫雙枝園收芋栗鄰分惠室牘琴書盜不窺莫爲萑苻輕避地須臾還是太平時

昔年

昔年羈跡鄭公莊花繞疎籬竹繞廊三五時來詩酒客東西都近水雲鄉枕嫌低矮書囊襯腮要透明瞇

魏鑲最愛盈荷開菡萏深宵金鶴不焚香

郭外青山水面樓畫簾處處挂銀鈎伯通故宅尋鴻
廡短簿遺祠傍虎邱紈扇詞題金縷曲玉簫人坐木
蘭舟阿翁於此婆娑日算卧鍾離一枕頭

布帆送我白門東水漲秦淮路不通萬里江聲春夢
裏六朝山色雨絲中漏天難補媯皇石拂樹誰占少
女風愁殺羈留孤館客金樽檀板霎時空是年金陵
大水秦淮

樓榭僅見
擔脊而已

幕府休言記室尊浪遊策馬歷晨昏二陵風雨連龍

塞三晉河山鎖雁門詩卷嘔心新樂府英雄埋骨古
中原回頭往事渾如夢何處飛鴻覓爪痕

霜影

霜影星星兩鬢邊歸耕那得買山錢病多到處求良
藥老至逢人羨少年骨肉存亡懸夢寐江山慘澹起
烽烟杞憂遞莫嘲愚叟挂劍欄杆欲問天聞三弟野
江漁砩節涼

中秋後一日憩真隱觀

秋色空濛樹裏藏葛衣微惹桂花香霄邊雁鶩沈孤

嶺郭外烟波送夕陽講院鹿遊莎徑沒弓仙鶴去草
亭荒天南莫嘆多兵甲此與桃源共一鄉

野望

畲田愁作石田荒果果炎空火繖張多少蒼生望霖
雨卧龍無復起南陽

夢中得鶴帶晚烟二句醒後足成一律

二千餘里隔雲山夢轂馳驅未得閒鶴帶晚烟歸玉
枕玉枕大庾縣山名雁銜秋色過梅關南雄州有來雁亭以雁來爲瑞郵書
淹滯兵戈外家運迴邇骨肉間東望婁門天咫尺承

平何日唱刀環

宋虛谷廣文由萬載勸捐回署過其齋中

軍符籌餉敢稽遲來往真同驛使馳方憶翻生絰國

難共聞卜式助邊儲君家一族捐助兵餉銀九萬五千兩驚魂稍定枮

榆里賊過萬載大掠四鄉冷署彌甘苜蓿蔬憐我囊空無阿堵

江陵刦火到圖書

十八里

十八聲停記里鼓河間姹女錢工數門前枉費墜鞭
心落盡桃花春無語儂身不屬遊冶郎飛宿自有雙

鴛鴦紛紛蜂蝶來去忙酒槽新滴羃糟香

七夕

江南兒女話辛酸庭下無心薦果盤却羨天孫宮闕
穩銀河永不起波瀾

閏七夕

隔月女牛重會面填橋烏鵲莫遲慵人間天上皆歡

喜三十年來兩度逢

乙酉閏七月迄今甲寅閏七月

三村桃花

三村士女共尋春貞婦荒阡未勒墮千古桃花同薄

命馥華不作息夫人

事見蘇香山館詩鈔中

妙筆宣揚季重才落紅如雨溼泉臺從今不是天台路劉阮無勞採藥來

送孫月坡文學之樂平縣李資齋大令幕

幕府題襟客相逢惜暮年詩成梅樹下淚落酒樽前
知已酬無地勞生欲問天何如歸隱好角里有遺田
驛使方傳箭潯陽蟻陣屯避兵纔幾日話舊尙驚魂
鞭鐙倉皇影烟雲起滅痕君虞能愛士唱和匹西崑

題李寶之明經畫冊

桃花開落不知春未許漁郎來問津炊黍無烟鷄犬寂此中容得避秦人

桃源問津圖

曾向南華祝瓣香西來衣鉢間誰藏而今滄海橫流處初祖應難一葦杭

達摩渡江圖

八秋詩和王窗山明府韻

秋簾

不隔相思淚幾行芙蓉落盡惜宵長燕辭東閣襟仍紫人瘦西風額尙黃一桁繡波微瀉影半爐烟篆妙留香瀟瀟不捲重陽雨卻置銀鈎在枕傍

秋帳

金井梧桐露氣侵蕭疎紙幌冷難任爲揮白鳥攜團扇莫被青燈笑獨衾翠羽明珠空羨慕寒牕病婢共啾吟昔年曾宿羅浮嶺夢繞梅花萬籟沈

秋登

兒時有味最關情身世相依只此繁風雨半窗殘烛暗琉璃一點慧光明微茫蟹舍星猶閃辛苦鴛機月又生何處酒樓聞笑語蓮籌已報漏三更

秋硯

石生憔悴去何之玉帶腰圍瘦自支蕉葉有痕疑滴
淚揚花無影不黏池山峰琢就仍歸刦心血磨殘總
是癡莫笑矮桑真冷面相逢恰在隕霜時

秋籬

處士幽棲不厭貧此中風景畫難眞俗偶尙繞尋花
蝶補葺還勞折柳人細雨藤蘿牽曳密夕陽雞犬往
來頻便思采菊從元亮乞取南山自在身

秋井

那有銀牀面面遮延年靈液漫爭誇煉丹仙去應留

藥抱甕人歸不種瓜絡緋悽啼三徑草廝脂遺恨六
宮花轆轤轉罷斜暉晚涼透西窗白芷紗

秋篷

楚北淮南路各分舵樓惜別話殷勤一樽喜聽灘頭
雨六扇斜拖水面雲瓜艇市心橋不礙蘆花箇背雪
初紛扣舷有客凝眸眺嘹唳征鴻響遠聞

秋鐘

鏗鯨僧唪法王函霜曉天高肅蔚藍飯後誰憐寒士
餓更闌莫放睡魔酣紅塵夢待蒲牢喚白雪禪從簷

葛參百八聲清方夜半江楓漁火認茅菴

寒山寺鐘至今夜半

乃撞知唐人非誕語

盈中山茶歌

并序

嶺北民間喜植山茶佳種甚多余亦性愛此花三年承乏惟飲南浦一勺水有門生故舊以此花餽者則不辭復按譜購求紅如鶴頂白如蕊珠置諸露井之中迴廊之側自十月至於二月洵足娛目賞心也昔人以海棠無香爲千古恨事余謂若山茶有香則牡丹芍

藥不敢正視豈海棠之可比乎癸丑夏五自
庾嶺適豐溪因吳城聞戒寄花於西郭百寺
天魔刦火燎及仙株悵恨久之後知鉛山曼
陀羅遠近著名遣僕往購得六七種而何溥
泉廣文贈余五盆有獅子笑六角蓮諸名且
喜且感今簇霞銜月漸次舒葩紅袖縞衣重
來結伴風景猶似昔年所不及大庾嶺頭者
無梅花數本掩映其間耳乃繫以歌

平生千卷書耽讀餘事愛花看不足竭來嶺北花種

稀祇有山茶最娛目天生絕艷惜無香汝與海棠同
命薄傲吏黃金不入囊郊餽花枝當竿牘芳名一一
標牙牌鶴頂寶珠赤城玉東坡本自蓬萊謫且愧冰
姿對苜蓿塵容俗狀我更慙羅列瑤盆滿齋屋白者
簇雪紅攢霞富貴居然敵金谷飄蓬蹤跡不自由橫
浦忽移帆六幅輕裝羞跔惟鶴琴併載仙株如眷屬
慈雲擁護仗菩提火倉皇殃草木梅關四載爲勞
薪幸有名葩伴昏夙豈知造物厭衰朽綠樹紅紺奪
我速有客昨自鷺湖來爲言佳種亦超俗急遣長鬚

按圖購似訪西施
溪一曲貧家養女嫁常晚
身價無須珠論斛
慷慨樽前贈美人
世間乃有何平叔
香國原韶補恨天
癡翁仍獲看花福
林泉樂事後難必冰
雪前緣今暫續
作歌珍重謝故人
寄與南飛兩黃鵠

連雨水漲

青山環縣郭
郭外水盈瀆
連夜雨傾盆
大浸撼茅屋
溼雲化暝霧
遠失松峰綠
仲秋氣淒凜
似日行北陸
得非大兵後
蒼赤遭屠戮
冤憤干天和
以致愆亭毒
濶彼無褐人
驟凍身踰蹙
陽和卽回澤
冷暖常倚伏

津吏競來報水痕一丈縮隴稻可豐收殘冬有餘蓄

勸捐束呈華堯峰編修汪化亭吉士

月耗廿萬銀豢養惰窳卒捐輸濟官帑半載又告竭
毀家臂剝肉犒士湯沃雪發棠人復請搜粟尉仍設
皮毛已僅存誅求且到骨魚冊上中分鶴租多寡列
殷戶或頑抗僉議三倍罰記名更記數畫諾筆親掣
猶防不肖吏染指致乾沒粉鄉兩詞臣沿門勞步屢
共識公正懷勸導頗周貼豐溪稱沃壤時届青黃接
十方功德錢出自心香爇集腋竟成裘寸衷亦稍愜

我願孫武書軍營，置一餚。因糧在敵人。此語慎毋忽。

題傅青主先生霜紅龕詩集後

澄潭朗月助精魂，別有珠璣吐舌根。書向西窗求伏
壁，詩如東野敵。韓門半生土，室滄桑過一代。遺民姓
氏尊除卻，亭林知己少三家。才調漫同論。

題樊榭山房集後

西湖深處老煙霞，人識徵君五柳家。別有詩禪參妙
諦，一池月浸白蓮花。

微雲河漢王摩詰，落葉空山韋左司。古艷在胸香在

骨吳倉未許讀公詩

重至省垣有感

澤蘭殤折送楓根第三幼女
吳姬所生德勝門西小塚存幸免

赤眉開古曠且培黃土作孤墩雪中明滅尋鴻爪風
際伶俜化蝶魂留得金環待誰覓再生因果不須論

鷺潭

青山龍虎氣千里黯然收野曠添軍壘村荒少客舟
鳥聲猶帶恨花態若含愁此地頻虛警蘭橈莫追迴

祭張忠文公祠

帝后蒙塵恨若何孤臣忍渡白溝河兩京父老空垂涕六賊猖狂力議和飲水不餐金虜粟班師難奮魯

陽戈

金師日逼公統兵勤王耿平仲恐敗和議急檄止之

薦馨故里神來格今

日淮南盜更多

淮南盜首宋江等橫行河朔公以計討平之

水南過徐白舫先生草堂留贈

韋曲山莊綠水邊柴扉左右白沙田蓬池館閣無同

輩

辛未常桂苑科名有後賢觀畫早參裴相慧傳經將

屆伏生年著書歲月渾忘卻手種松杉已作椽

所著詩文

集外有妙海心珠霜鐘警夢錄等書

歸然人仰魯靈光謝紱還家鬢未蒼鹿洞鷺湖開講
席吳山粵嶠倦行裝襟懷北海樽前見詩稿東林寺
內藏半日清談容造膝歸驅不礙趁斜陽

雨中過大南嶺憩僧舍

避雨迦陀院青茅蓋四簷筍鞭橫石砌荔帶補蘆簾
香溼鑪中爐詩殘壁上黏一關當谷口設險足鉤箔
顧香畹比部自都回里承過衙齋

兵甲東南道路艱紆迴半載抵鄉關人來楚尾吳頭
外春在花明柳暗間乞假料無提觀倅移家欲買讀

書山鳳雛最美聲清甚轉眼蓬瀛侍玉班

輓章寶甫茂才

銅陵章屏臺夫子司訓寶山其孫實甫茂才
從余受業後由粵東回里江程阻隔並知銅
陵久爲賊踞民皆蓄髮其妻子不知流落何
處遂留余廣豐署中忽生奇疾兩月而沒權
厝西山真隱觀旁可哀也

雲亭載酒失侯芭埋玉西山淺淺沙十口妻孥防陷
賊七年嶺海苦思家裝貲盡耗鑪中藥吟卷空留舌
底花親見師門三世事箕裘零替獨長嗟

春日排山道中雷雨交作留宿王氏山莊頗饒

花木之勝

五日東皇懶放晴滂沱廿里阻歸程烟迷桃杏難分
色雨滴蕉梧不辨聲赤電爲誰開口笑青山初學畫
眉成豐溪曾駐蘄王節掘得沙灘舊酒罿主人云山
世忠所掘井及上馬石今土人於沙灘時得犒軍酒瓶

拜婁冰溪先生墓敬題

自上饒回廣豐因公繞道經其墓下

不愧賢妃父能爲王佐師登樓辭冕日繫獄演爻時
國史無專傳鄉閭有圯祠墳前人下馬滿目草離披
王文成公爲先生高弟

信陽道中卽事

沙磧走崎嶇漸入橫峰路晨光已熹微松柏尙凝露
一溪無木橋牧豎跨牛渡茅店四五家輿夫息肩駐
老翁扶杖來殷勤若垂顧言過驚蟄節比戶整農具
此鄉風俗醕歷年少逋賦須臾日曈曨嵐翠撲衫屢
嫣然籬落間桃花數枝吐

過夏曉葉廣文學舍看菊

看花先到枳籬東踏碎苔階碧玉叢十里秋聲殘照
外一家情話冷香中湖山意氣推名宿

君向客皖省大府幕中

書畫頭銜署醉翁

君善畫梅竹

莫問柴桑元亮宅
割灰飛

盡長蒿蓬

君德化人今無家可歸

聞包慎伯大令沒於袁江寄輓一章

耆舊晨星更數誰天涯消息恐傳疑賊來建業移家

後久客金陵移家

兩月粵寇已至

名重桐鄉去職時

權令新喻因漕事罷官

不

薄文章虞與魏論

近代古文謂虞伯生可繼歐曾魏叔子可繼伯生

若論風誼

友兼師南州樽酒西州淚寫入招魂宋玉詞

寄懷錢直卿茂才

一門伯仲兩鴻儒子弟烏衣盡鳳雛才調如君同輩

少亂離作客憶家無吳江楓冷音書斷庾嶺梅香倡
和孤欲整歸鞭須早計玉山道上待維駒

豐溪官舍送章西巖表弟歸寶山

後會知何日東西千里程眠餐休落拓盜賊況縱橫
身老官爲累時危子亦輕癸丑以來江右喪亂不復作生子想夢魂隨汝去恍聽海潮聲

五都道中

盤旋石徑白雲遮松竹林中老圃家大甕封釭煨榦
榦小橋編篋架楂枮村酒佳者謂之封缸用微火煨之萬株茶樹多

生子七月薔薇尙吐花桴鼓不驚民氣靜此間猶算
好年華

春曉野步即景

春水溫燉鴨未知苔磯霜冷立多時東皇漸展丹青
手點染桃枝與柳枝

送謝曉渠孝廉之閩中李小湖學使幕

蘊山中丞汝曾祖純廟承平稱碩輔經儒兼擅良
史才同輩錢王極推許錢竹汀官詹王西莊閣學賀六渾起魏鼎
分黑獮迎君作販賈孝武西奔事孔多李家父子十

遺五中丞西魏撰紀傳馬陸南唐書並數一編千古
壽名山四庫琅函入史部先人手澤鑿楹藏詩禮清
芬被門戶輶紅兩踏長安街未到蓬瀛作仙侶飄然
去泛武夷船九曲棹歌須記取荀令衣香三日留水
旁觀者環如堵衡文冰鑑氣味投斲削還資脩月斧
故鄉烽火不可居僂計榕城尙樂土寄語星軺李鄴
侯老子聞雞懶起舞眼看公等建高牙迅掃蟲沙澄
九宇孝廉與學使皆余分校所得士○中丞西魏書板藏揚州某孫家未知遭兵火否

泊舟洋口紀夢

籬邊隙地遍栽麻近海樓觀早晚霞蠶子浴時桑綻葉蜂兒喧處菜抽花簡編插架三千卷鄰里分肴四五家回想黑甜非幻夢卅年前景本無差

郡城克復卽事偶成六絕時余將赴弋陽并留

別廣豐士民

咫尺烽煙萬戶驚黑山賊騎忽收兵輪迴不墮紅羊

割此後餘年是再生

三月二十四日賊由郡垣分股來擾廣豐行至十里橋賊首聞

羅觀察大軍將抵城外傳令旗追回

細柳韜鈴倚馬才勲名他日重麟臺信州父老銜恩

泣多向營門叩首來

羅觀察大軍馳抵郡城賊出西門拒戰我兵殺賊無算

果然天上下將軍重見鷹旗掃逆氛千四百年循吏在甘棠猶芾信江瀆

指三月二十六日李真君白旗顯神事

葛陽滿目感瘡痍一局難收敗後棋自問濟時才具短瓣香慚奉累山祠

旁午軍書兩載過豐溪孤負好山多龜峰水月前緣

在石壁題名跡未磨

道光八年舟過弋陽遊龜峰一日

蔀屋誰聞五袴吟西山回首白雲深平生不飲貪泉

水溪上梅花鑒此心

豐溪梅花甚多不減庾嶺

戈城偶感

泣官纔匝月百廢豈皆興黑白探丸急蒼黃蜚語騰
瘡痍猶滿目撫字益煩膺畫角城頭咽霜寒甲帳燈
威武宜春兩軍猶駐戈城

溪匯靈山水東西戈字成龜峰開翠色鳧石吼濤聲
戶減炊烟少田荒蔓草生從今枹鼓絕莫放杜鵑鳴

杜鵑見江上雜感詩註

寄訊友人潯陽

傳聞身陷賊消息是耶非池沸魚皆爛梁空燕不歸

妖星芒四角昏月暉重闔倘入征南幕霜花滿鐵衣

讀少陵詩偶成四律

艾城青犢去琴水赤眉來無地逃兵刦祈天降將才
三年斬斧缺四野雁鴻哀投老慚君父情懷若死灰
河上逍遙帥山頭草木兵債軍誅馬謾殺賊怖花卿
未亂誰籌筆臨危盡棄城道旁扶杖叟流涕望昇平
少保新書在艨艟習水軍京江迷豹霧鄂渚隔鯨氛
裹甲勞飛餳拋戈冒戰勳潯陽大星隕痛失武安君
都尉嚴搜粟中郎恣摸金算緝桑孔術寬綱禹湯心

莫怨脂膏竭當思雨露深流亡萬家屋涼月照空鬻

登觀音閣

觀音古蘭若高枕東郊麓才登十級梯一覽眾山綠
亂後我來遊景物悽以蹙鐘零鼓亦敗餅鉢乏餧粥
仙佛本超刲猶爲刲縛東豺狼劇縱橫龍象難降伏
一僧前致詞流寇此信宿金身先拽倒次乃抉雙目
沙彌涕沾膺老夫笑捧腹世尊垂慧眼六合遍瞻矚
頂上大光明無斷亦無續况悲眾生苦不惜剜剗肉
區區範銅像豈畏當鋒鏃繩緜懷締構初藩后祈冥福

東嶺開赭石西山運楠木荏苒四百年日月疾轉轂
朝市幾變遷招提未傾覆莊嚴三寶相舊觀終當復
憑欄一長嘯餘響震壑谷飛蓋爵龜峰雲中見白鹿

謁謝文節公祠

采薇歌外無文字公有楹書付後昆流涕獨褒曹孝
女逋臣不作趙王孫橋亭卦硯遺塵世鶴駕麻衣返
墓門歎息江南廝養少燕京當日忌公存公不餓死
公留夢炎程文海輩不識公心並不識世祖
心昔吾友毛申甫以此論爲然故附記於此

示諸姪二首

頽齡似驚蹇征行未解駛明沐君父恩時時飽荳莖
况今楚吳粵百邑盡殘破高牙大纛人無策弭兵禍
微名復何心棄之若湊睡吳淞好烟水茨屋可偃卧
所冀諸姪中崢嶸得一個執藝雖各殊皆足免飢餓
類狗固堪弔弔爲虎亦奚賀嗟哉伏波書汝曹日當課
平生性命輕國事方憂患獨坐危城中凜凜三夕旦
方寸特定力生死歸大限偶然一動心噭噭澤中雁
江右二十年趙超營薄宦頭顱已白盡家計未遑辦
尙欲製鎧甲有事身先擐觀汝兄弟狀未語涕先滑

勸我投版歸相守
饜藜充餵空且忍
飢衣裂詎須綻
譬諸航海人收帆
到彼岸卿言亦復佳
我累奈羈絆
久辜猿鶴招此孽
不可追力圖死前休
得失庶操半

點兵

紅旗拂鳥翼雪戟排龍鱗健兒好身手三千如虎賁
慷慨帥登壇氣欲吞黃巾軍書十二卷卷卷姓名真
豈知點鬼簿中多未死人黎邱巧變相木蘭代戎裝
詭名寄軍籍日日虛糜糧我思古名將聰明記憶強
點兵識一面終身永不忘前有孫伯符後有張睢陽

月夜舟次聞角聲

地鱸不自紅石炭佐其功肌膚不自暖美酒澆其胸
憶昔客京華寂寥成枯僧不資扶搖風安搏滄海鵬
一官落洪都遼巡牛馬走手板或倒持眾咻獨閉口

三年泛靈水撫字慙羸黃變生倉卒間信陽作戰場

八月生朝自述

干戈未定莫閒筵桂任飄香菊任妍舞綵雛孫來索
餅祝釐胥吏共疑年家無十畝桑麻地身戴四朝
雨露天漏盡夜行猶役役養生畢竟愧彭佺

獨立

祈蠶賽麥農桑業白拂青鞋香火禪喫飯世間誰最苦
冷銅山重壓雙肩

斷無代芡磨菱角那有縫裳屑藕絲頑健此身無著足針尖偏要立多時

肩輿勞頓小憩村舍

道左迎官半老翁殷勤留憩草廬中年穠已免村牛賣兵過都愁母彘空稚女茶花雙髻紫卽山茶花歸樵柳葉一肩紅太平景象當旋復十日甘霖五日風

小病枕上

隨地誅茅便掩關
巢由豈必買青山
心驚上下危灘裏
夢繞東南戰壘間
齒欲離窠先杌隉
足因生繭更蹣跚
子雲未老童烏死
符命元經一筆刪

叢莽中開出小圃一區
周圍皆二丈餘旁有蠟梅一株
向爲惡木所翳生意漸凋今亦豁然
疎朗得受風露喜而賦之

我如叔孫嬪所在葺牆屋敢謂逆旅踪此間暫信宿
偃息愛疎豁卽欲斬惡木架椽縛茅茨築圃藝葵菊

况有素心人棄置遭屈辱拔擢出泥塗三薰而三沐似感主人恩蠶丸報一斛此君溯苗裔別出羅浮麓憎他狗蠅輩齷齪非我族嘉名錫黃香花史筆當續

登署後土山

篠密蘿深窄徑迷土山不用杖青藜暫銷鬱觸安蟻角漸喜尖圜擘蠟牕彭澤人來賣蠟喜江路漸通俗吏本非二語

掾嚴關誰守一丸泥回頭往事真堪恨無數生靈作

犬雞賊陷弋城殺三千餘人棄屍土山後

尚貪

尙貪五斗折腰支典盡琴書未賣癡日月無膠黏不
住功名有徑捷仍遲囊空自述三年宦句拙常塗四
壁詩卻羨放翁身已乞頭銜許領武夷祠有客餽武
以爲眞九曲中
茶也感念及此

過龜峰不得遊

四聲谷口昔年遊石壁題名爪迹留尖峭峰巒猶入
畫蒼茫烟雨最宜秋山靈相識應青目俗客重來已
白頭倘有龜堂尊宿在詩筒早寄葛溪舟

洗腳亭

洗腳亭前白石橋西風木葉下蕭蕭遙看城郭還如故五百年來萬事銷

閩瑞州被陷寄訊朱芷汀孝廉

門下傳經士惟君獨起予時逢多難日家有未成書烽燧驚鄰照櫬槍射斗墟華林堪避世添結數椽廬

過潮水巖觀一日三潮處

大塊氣噓吸江海潮長消乾旋坤轉億萬載一日十二時不消怪哉一卷石龕赭分秋毫地下出泉七尺均盈縮候應錢唐潮老仙蛻骨瘞何處空將靈迹留

山椒有客探奇駐鞍馬信宿碑亭驗真假汲餅甘冽
試新茶溢入春陂碎珠瀉晝夜闔闢造化機此中橐
籥微乎微六合內外大千界異事洵有非傳疑我來
斜日橫山脊水涸方池少涓滴十里回車拄杖看峰
巒倒浸琉璃碧僧廬掃榻燈火闌堠卒來報汝又乾
荒雞三唱尙無寐細思物理方長歎

桐木關

興廢歷四朝崇關圯荒楚關址今猶存亂石堆如堵
耕氓數十家散處非族聚寒沙走疾颺淡日隱遙浦

唐家有遺民宗派守殘譜尙知黃巢名舌縮不敢吐
承平二百年那復識鼙鼓策馬陟高岡四顧久延伫

一夫足當關此地實險阻函谷在眼前莫謂蕞爾土
捷徑走徽饒上游控撫信陽咫尺間形勢亦頗輔
方今盛產蒲所在多跋扈守將貴得人毋使越銅柱

西院枯樹

枝柯變銅鐵疑有風雲護憔悴庾蘭成才退不作賦

食鱸魚膾

張掾黃花賦散金鬢絲如雪有歸心秋風不爲繩鱸

起莫望東吳感慨深

食東坡鬱

無復延英侍玉坡山廬一鬱味如何投荒萬里南溟
險祇爲朝中肉食多

塞上短歌

臘脂馬背駛去向陰山哭不是少黃金蛾眉無處贖

遊智果院

四圍杉栝翠成林中有招提傍曲澗泉挂樹梢猿倒
飲花藏葉底蝶偷尋山河大地虛空影鐘磬諸天寂

冥音卻被懶殘留啜茗坐聽高柳一蟬吟

長歌行送程卧梅刺史歸荆溪

臥梅臨別勸我歸吳淞贈詩有吳淞江口望歸船句

有吳淞江口望歸船句

我欲買田陽

羨相陪從平生不如意事十八九登場傀儡牽掣憑天公故鄉尊鱸佳味久縈念昨宵倚欄蕭瑟愁秋風

君作鷺湖山下萬家佛脫離虎口便策遊山筇

君謝事二

十日賊至鉛山避地崇安留別士民詩有脫難真同虎口邊句

武夷老仙夢裏若招

手青鞋布韁踏遍高低峰棹歌九曲宛轉出新調小

長蘆屋驚倒朱十翁不識臨汝廿年共聯轡四方土

下追逐如雲龍君今挂冠神武返鄉里我似藩籬鶲
仰霄邊鴻懸車馬齒豈復戀糟豆十郡烽火無地安
吳儂丈夫報國不論位貴賤頭顱熱血願灑沙場紅
奈此桑榆斜晷已西昃風波宦海及早收危篷請鄰
祭竈歡笑敝廬內猶勝一棺長闔歸江東作歌慷慨
與君盟息壤他時罨畫溪畔當重逢天南半壁山河
幸恢復元白二老尙得傳詩筒

雜感

青犢連檣過洞庭江程千里血波腥哀時有客成詩

史退敵何人讀孝經雨漲潮連瓜步白烟昏山失皖
公青汾亭敢說從遊士元直魂歸駕鶴輶

東南禹甸尙安全兵氣宵騰白下天內府金繪空庫
藏將軍歲月老樓船匡山雲影旌旗繞蠡澤潮聲鼓
角連尺一詔書催戰急期門都護出甘泉

赤眉銅馬似棼絲討賊先聲羽檄馳慷慨原思援梓
里遷延已惜過瓜期巡轄使者求持節入幕軍諮阻
出師樽俎折衝良不易諸公何以報丹墀

貔貅萬寵暮雲黃路隔天台白石梁北面有人師廣

武東風何日助周郎算丁祇臘三空室呼癸纔餘七
日糧留得前賢韜略在李臨淮與郭汾陽

江流九派接雙孤千里孫恩集戰艤籌火訛言興大
楚妖書餘唾拾耶蘇登壇上將誰揮筆乘傳儒生已
棄繻聞道龍驤持節至功如造塔合尖無

帳前黔楚健兒多翻覆蒼黃廬倒戈萬騎鮮卑圍石
勒中原將帥用廉頗但聞道路逢豺虎未見軍容肅
鶴鵝試問陳濤師潰日房公車戰究如何

宵旰誰分側席憂販繪屠狗應旁求從軍子弟嘲豚

大僧號君臣笑馬牛橐籥偶然慙玉燭蚍蜉妄想撼

金甌江東郤少夷吾輩空泣新亭學楚囚

天啟錢背鑄牛崇禎

錢背鑄馬爲閻賊及
僞相牛金星先兆

深山何處寄行蹤十郡猶傳斥堠烽父子兵從圍練
使酷荼稅榷大司農路通北毫遭青犧人向南陽弔
卧龍值百當千錢復見赤烏遺製久銷鎔

不留雞鶩在山庖墟落千家瓜蔓鈔欲羈兵符椎晉
鄙誰攜愛妾避黃巢關河有淚征衫濕天地無情戰
骨拋太白光芒霄際歛班師早晚聽金鐃

蛟鰐腥氣鬱未開江皋焚屋長蒿萊讀書趙括真庸
將降敵張元亦異才娘子軍傳城上箭佛郎機發地
中雷故園三徑荒蕪盡老不歸田已可哀

題俞芝恬幕佐自繪丐婦戲猴圖

記室才華幕府尊烽烟避地幾驚魂山林有約尋仙
伴粉黛終羞倚市門蓮步歌殘商女曲玉環人識劍
翁孫憐君一幅牢騷意酒後青衫濕淚痕

獅江官廨呈同年朱鼎臣刺史兼示幕佐成梅

溪茂才

三鎮遭蹂躪獅江幸瓦全鄉兵園子弟十大姓
議練勇賈客算車船茶市提綱稅芝廬賃屋錢咽喉通水陸莫使
阻烽烟

司馬紅蘭署書巢我暫栖養疴添藥裹謝客少輸蹄
雨點蘋根細雷聲竹外低陳蕃能下榻高義感招攜
花木仍無恙鬚奴灌溉勤汪春生司馬因公回
浙刺史暫攝此篆樽前逢舊雨樹杪望停雲要路油幢集閒曹羽檄紛西風
殘暑退話久夜常分

記室才華富汪倫眼獨青讀書探二酉佐治重雙丁

余署安福邀茂才掌書記令弟稼田上舍
精申韓之學余官大庾延主刑席三年遠驛書難
達孤燈夢易醒西湖歸隱好家近白鷗汀

題王叔彝觀察蘆灣殄寇圖

吳淞入海江朝宗七十二灣潮汐通葭汀蕭瑟岸紆
曲漁舠欸乃烟冥濛一帆滙瀆泛秋月扣舷獨弔袁
山松閩粵遊魂化蠡鱉滬城踞作逋逃窟紅巾尺幅
裏麌頭剽掠千家少完室負嵎一載螳臂擣蟲王郎
符阻銀鵠豈知殺賊仗書生氣蓋江東笑捫蟲王郎
家世爲清卿白哈揮麈常談兵詞壇旗鼓敵青兕詩

律壁壘稱長城海上烽烟正傳箭堂中賓客猶調筆
千人配府桓叔夜八陣演圖馬孝興餉軍奚但衛桑
梓殄寇旋見殲鯢鯨豕銜鹿轂晉方面持節細柳來
屯營玉山道上逢文度詰舊綢繆是親故尊公懷祖
壯齡時畫舫同遊桃葉渡蘭臺濶別三十年領軍得
見班都護將星高挂金剛峰金剛玉邑山名叱退蚩尤歛妖
霧吏民哀我老且愚磨盾尙能草露布蘆灣事往跡
未銷粉鄉安枕公之勞披圖風雨聲澎湃恍聽春申

浦口濤

避地定陽寓寮閭寂感鄰家神女降乩之事偶

賦仙女三絕非意有所指也

太原相國女曇陽待嫁璇闔玉潤亡尸解情緣終不
解髻鬟手翦紳徐郎曇陽子

蘿蕪荒徑月明中衾寢齊半夢已空野史燒殘紅豆

死柳星仍傍翠微宮

翠微夫人

嵯峨王屋鎖雲南嶽夫人授錄文落盡梅花高嶺

上鶼鸞來弔相公墳

空雲冠女

玉山蕭素村太守以沈石田山水畫冊贈浙中

徐仲水大令貢尾有傳是樓珍藏圖章崑山
徐健菴司寇舊物也仲水寄籍黔中實司寇
後裔受之甚喜一時佳話不可無詩

大癡六法走雲烟付與吳門白石仙傳是樓中藏弄
久一樹化去在何年繪事微言沈石田山水
宗大癡爲明世第一

孝穆才華軼等倫玉峰門第宰官身蕭齋太守風流
甚趙璧仍歸舊主人

細柳屯營上將臺軍諳年少借長才王叔彝觀察備
兵玉山仲水爲
軍諳三生蘭絮留因果若爲名人墨寶來

水墨幽香暗襲衣青山紅樹送征駢定知一幅梁朝
檜攜得風雷滿袖歸

石田翁有水墨三檜卷世稱神品自題其上云傳取梁朝檜神

去袖中疑道有風雷